



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Iohannis Scheffleri S. R. Eccl. Presbyteri Concilium  
Tridentinum antè Tridentinum**

**Angelus <Silesius>**

**Nissæ, 1675**

Articulus IV. Ecclesiæ Catholicæ ritus in administratione Sacramentorum  
esse recipie[n]dos.

**urn:nbn:de:hbz:466:1-42264**

*Concilij Trid. antè Trident.*

Usque adeò illud foedus inicum,  
nuptiale cuiusdã Sacramenti res  
est, ut nec ipsã separatione irri-  
tum fiat. *Vide eundem c. 24. &  
de Genes. ad litter. lib. 9. c. 7. in*  
quibus utrisq; locis quoq; con-  
jugium Sacramentum esse dicit.

*Fevar dentius in notis ad Ire-  
nei cap. 22. libri 1. scribit: Ter-  
tullianus lib. 5. contr. Marcionem  
sect. 38. quinquies vocat nuptias  
Sacramentum, ut Augustin: l. 1.  
de nuptijs & concupiscēt. sexies:  
& lib. unico de bono conjugali con-  
tra Jovinianum, decies.*

*Articulus IV.*

Ecclesiæ Catholicæ ritus in  
administratione Sacramen-  
torum receptos esse recipiēdos.

*Verba*

*Articulus Quartus.*

*Verba Concilij.*

*Receptos quoque & approbatos  
Ecclesie Catholica ritus, in supra-  
dictorum omniũ Sacramentorum  
solemni administratione, recipio,  
& admitto.*

**Q**Via nimis longum foret o-  
mnes & singulos ritus tam  
prolixè probare, uno aut altero  
Sanctorum Patrum, testimonio,  
præcipuos tantum roborabimus.

*Signum Crucis.*

*S. Augustinus Tract. 118. in Jo-  
annem. Signum Crucis nisi ad-  
hibeatur, sive frontibus creden-  
tium, sive ipsi aquæ quâ regene-  
rantur, sive oleo quo Chrismate  
unguntur, sive Sacrificio quo a-  
luntur, nihil eorũ ritè perficitur.*

*S. Ambrosius lib. de his qui i-  
nitiantur.*

*Concilij Trid. antè Trident:*  
*nitiantur myster: cap. 3.* Aqua e-  
nim sine prædicatione Domini-  
cæ Crucis ad nullos usus futura  
salutis est. Cùm verò salutaris  
fuerit crucis mysterio, consecra-  
ta, tunc ad usum spiritualis lavacri  
& salutaris poculi temperatur.

*Martialis Ep ad Burdegalens.*  
Hoc solo signo coelestis victoria  
data est nobis, & per crucem ba-  
ptisma DEI sanctificatum est.

### *Benedictio aquæ baptismatis.*

*Basilii Mag. lib: de Spiritu S.*  
*cap: 27.* Consecramus aquã ba-  
ptismatis & Oleum, unctiõnis,  
præterea ipsum qui baptizatur,  
ex quibus scriptis? nonne à ta-  
citâ secretaq; traditione: ipsam  
verò olei unctiõnẽ, quæ doctri-  
na scripto docuit? nõne ex arca-  
na hac traditione: *Cypri-*

*Articulus Quartus.*

*Cyprianus l. 1. Ep: 12.* Oportet ergo mundari & sanctificari. Aquam prius à Sacerdote, ut possit baptismo suo peccata hominis, qui baptizatur, abluere: quia per Ezechielem prophetam Dominus dicit: Et aspergam super vos aquam mundam, & munda-  
bimini ab omnibus immunditijs vestris. *Vide S. Chrysostomum in Psal: 22. S. Ambrosium de Spir: S. lib: 1. c. 7. S. Augustin: contr. Donatist: lib. 6. c. 25.*

*Olei & Chrysmatis usus.*

*Clemens Romanus Ep: 3.* Baptizetur unusquisq; in aquis perennibus nomine trinæ beatitudinis invocato super se, perunctus primùm oleo per orationē sanctificato, ut ita demum per-

*Concilij Trid: antè Tridēt.*

hæc consecratus possit percipere  
locum cum Sanctis. *Vide eundē  
Apostolic. Constit. l. 3. c. 16 & 17.*

*Iustinus quest. 137.* Oleo in-  
ungimus, ut Christi unctiq; fia-  
mus: unguento autem ad recor-  
dationem ejus, qui unguenti un-  
ctionem sepulturam tuam esse  
reputavit.

*Cyprianus lib. 1. Ep. 12.* Ungi  
quoque necesse est eum, qui ba-  
ptizatus sit, ut accepto chrisma-  
te, id est, unctione, esse unctus  
DEI, & habere in se Christi gra-  
tiam possit. Porro autem Eucha-  
ristia, & undè baptizati ungun-  
tur oleum, in altari sanctificatur.  
Sanctificare autem non potuit o-  
lei creaturam, qui nec altare ha-  
buit, nec Ecclesiam: undè nec  
unctio spiritalis apud hæreticos  
potest

*Articulus Quartus.*

potest esse, quando constet oleū  
sanctificari, & Eucharistiam fieri,  
apud illos omninò non posse.]

*Vide S. Hieronymū cap. 4. contra  
Luciferian: & S. Augustin. lib. 15.  
de Trinit: c. 26. Item Leonem M.  
Serm: 4. de Nativitate Christi c. 5.  
& Fabian: Pp. Epist. 2. ad omnes  
Orientis Episcopos.*

*Aurium & narium & pe-  
toris inunctio.*

*Cyrillus Hierosolymit: catech. 3.  
Mystagog. Deinde aures inun-  
guntur, ut ad audiendum divina  
mysteria aures accipiatis. De  
quibus dicebat Esaias: Et addi-  
dit mihi Dominus aures ad au-  
diendum. Et Dominus in Evan-  
gelio: Qui habet aures audiendi  
audiat. Postea nares, ut divinum  
E 5 recipi-*

*Concilij Trid: antè Trident.*

recipientes unguentum, dicatis:  
Christi gratus odor est DEO, in  
his qui salvantur. Tum verò &  
pectus inungitur, ut induiti tho-  
racem justitiæ, fortiter adversus  
diaboli insultus consistatis.

*Cereorum & luminum  
usus.*

*S Ambros de Mysterijs Pasche  
cap 5.* Hinc casti Patres, pudicæ  
etiã matres novellam per fidem  
stirpem prosequuntur innume-  
ram: hinc sub fidei arbore ab u-  
tero fontis innocui cereorum  
splendet ornatu.

*Gregorius Nazianzen Orat 40.  
in S. Baptisma.* Lampades quas  
accendis (*in baptismo*) illius lu-  
minum gestationis figuram ge-  
runt, cum quâ splendida & vir-  
gines



*Articulus Quartus.*

gines animæ splēdidis fidei lam-  
padibus Christo sponso obviam  
prodibimus, nec per ignaviam  
& socordiā dormientes, ne in sci-  
entibus nobis, is, cujus adventus  
expectatur, inopinatò adsit, nec  
alimento & oleo, bonisque ope-  
ribus carentes, ne à nuptiali cu-  
biculo excludamur.

*Renunciatio Diabolo fa-  
cienda.*

*Cyrillus Hierosolymitanus Ca-  
tech: i Mystagog.* Quid igitur u-  
nusquisque vestrū stans dice-  
bat? Renuncio tibi Satana.

*Dionysius Eccl. hierarch: c. 4.*  
Deindè cū illum occidentem  
versùs attendentem, manusque  
porrigentem ad eandem regionē  
pertinētes, collocavit; tum eum  
iubet

*Concilij Trid: antè Trident.*

jubet tertio Satanam. ut ita dicat  
in sufflare: & præterea quæ de  
fectionis & abrenūciationis sum  
profiteri: eique ter abrenuncia-  
tionis solennibus verbis propo-  
sitis, ipsum orientem transfert.

*Tertulianus de cor: milit: c. 3.*  
*agens de traditionibus:* Denique  
ut à baptisate ingrediar, aquam  
adituri ibidem, sed & aliquantò  
prius in Ecclesia sub manu con-  
testamur nos renunciare diabo-  
lo & pompæ & Angelis ejus.

*Basilus lib: de Spiritu S. c. 27.*  
Reliqua item, quæ fiunt in bap-  
tismo, velut renunciatio Satanae  
& Angelis ejus, ex quâ scripturâ  
habemus? nonne ex privatâ &  
arcanâ hâc traditione? nonne ex  
doctrinâ, quam Patres nostri in  
silencio, quod curiosos & otio-  
sos submovet, servârunt.

### *Articulus Quartus.*

*S. Hieronymus ad c. 6. Amos. In mysterijs primū n renuntiamus ei, qui in occidente est, nobis- que moritur cum peccatis, & sic versi ad orientem pactum inim<sup>o</sup> cum Sole iustitiæ, & ei nos ser- vituros esse promittimus. Vide quoq; S. Augustinū l. 2. de Symbol: cap. 1. & S. Ambrosium lib: de his, qui mysterijs iniciantur, &c.*

### *Exorcismus.*

*S. Chrysostomus homil. d. Ad. & Ev. Illud etiam, quod circa baptizandos in universo mundo sancta Ecclesia sive sint parvuli, sive juvenes, uniformiter agit, non otioso contemplerur in- tuitu. Quod cum ad regenera- tionis veniunt Sacramentū, non prius fontem vitæ ingrediuntur, quàm*

*Concilij Trid: antè Tridēt.*

quàm Exorcismis & exsufflationibus Clericorum Spiritus ab ijs immundus abigatur, & deinde vasa ejus eripiantur in possessionem translata illius victoris, qui captivam duxit captivitatem, & dona dedit hominibus.

*Cyrillus Hierosolym: Catech: 2. Mystagog.* Ut insufflationes Sanctorum & nominis DEI invocatio, tanquam vehementissima quædam flamma urit, Dæmones & in fugam convertit: sic & exorcisatum oleum, per orationem DEIq; invocationē, tantam virtutem consequitur, ut non modò ardentia peccatorum vestigia expurget; verùm etiam omnes invisibiles dæmones repellat.

*Optatus Millevitanus l. 4. contra Do-*

*Articulus Quartus.*

*tra Donatist.* Neminem fugit,  
quod omnis homo qui nascitur,  
quamvis de Christianis parentib<sup>9</sup>  
nascatur, sine spiritu mundi esse  
non possit, quem necesse sit ante  
salutare lavacrum ab homine ex-  
cludi & separari. Hoc exorci-  
smus operatur per quem spiritus  
immundus depellitur, & in loca  
deserta fugatur.

*S. Augustinus l. 1 de nupt: &*  
*concupisc: c. 20.* In veritate non  
in falsitate potestas diabolica e-  
xorcizatur in parvulis, si que re-  
nunciant, quia per sua non pos-  
sunt, per corda & ora gestantiū,  
ut eruti à potestate tenebrarum,  
in regnum sui Domini transfe-  
rantur. *Idem l. 2. c. 29.* Neque  
enim ex quo caput Manichæi pe-  
stilentiosa doctrina, ex illo cæ-  
perant

*Concilij Trid. antè Trident.*

perunt in Ecclesia Dei, parvuli  
baptizandi exorcizari & exuffla-  
ri, ut ipsis myfterijs ostenderetur  
non eos in regnum Christi, nisi  
erutos à tenebrarum potestate  
transferri. Hos (Patres) iste au-  
deat dicere Manichæos & anti-  
quissimam Ecclesiæ traditionem  
isto nefario crimine aspergatur,  
quâ exorcizantur, & ut dixi, ex-  
sufflantur parvuli, ut in regnum  
Christi, à potestate tenebrarum,  
hoc est diaboli & Angelorū ejus  
eruti, transferantur.

*Salis usus.*

*Origenes homil 6. in Ezechiel.*  
Grande opus est insaliri, Qui sa-  
le cōditur gratiâ plenus est. Nam  
& in communi proverbio falsus  
dicitur graciosus, & è contrario  
insul.

*Articulus Quartus.*

insulsus, qui nō habet gratiā, &c.  
Oportet ergo eum qui renascitur, utique in Christo renascentem rationabile & sincerum lac desiderare: & priusquam rationabile & sine dolo lac desideret, debet sale saliri & pannorum involucris colligari, ne dicatur ad eum, sale non est salitus, & panis non est involutus.

*S. Augustinus l. 1. Confess. c. 11.*

Audieram adhuc puer de vitâ æternâ nobis promissâ per humilitatem Domini DEI nostri, descendens ad superbiam nostrâ, & signabar jam signo Crucis, & condiebar ejus sale jam inde ab utero matris meæ.

*Gregorius Mag lib. Sacrament: de ordine ad Catechumenum faciendum: Indè verò benedicit sal hoc mo-*

*Concilij Trid: antè Trident:*

hoc modo: Exorcizo te creatura Salis in nomine DEI Patris Omnipotentis, & in charitate Domini nostri JESU Christi, & in virtute Spiritûs sancti. Exorcizo te per DEUM vivum, & per DEUM verum, qui te ad tutelam humani generis procreavit, & populo venienti ad credulitatem per servos suos consecrari precepit, ut in nomine SS. Trinitatis efficiare salutare Sacramentum, ad effugandum inimicum, &c. postea interrogat nomina eorû, & ponit de ipso sale in os ipsorû, & dicit: Accipe salem sapientiæ in vitam æternam.

*Illinitio aurium & narium  
cum sputo.*

*S. Ambrosius lib. 1 de Sacram:  
cap:*



*Articulus Quartus.*

*cap: 1.* Ergo quid egimus Sab-  
batho? nempe apertionē. Quæ  
mysteria celebrata sunt apertio-  
nis, quando tibi aures tetigit Sa-  
cerdos & nares? Quod signifi-  
cat in Evangelio Dominus No-  
ster JESVS Christus, cūm ei obla-  
tus esset surdus & mutus, & teti-  
git aures ejus & os ejus. Aures,  
quia surdus erat, os quia mutus.  
Et ait *Epheta*, quod Hebraicum  
verbum est, & latinè dicitur *ad-  
aperire*. Ideò ergo tibi Sacerdos  
aures tetigit, ut aperiantur aures  
tuæ ad sermonem, & ad eloquiū  
Sacerdotis nares, ut bonum odo-  
rem accipias pietatis aternæ, &  
sit in te fidei devotionisq; plena  
fragrantia. *Idem dicit lib: de bis,*  
*qui mysteriis iniciantur. cap 1.*

*Gregorius Mag l. Sacram: ad  
cate-*

*Concilij Trid: antè Trident.*  
*catechiz: infant.* Deindè verò  
tangat & nares, & aures ( cū di-  
gito ) de sputo, & dicat ad aurem  
dextram *Epheta*, quod est *adape-*  
*rire*: ad nares, in odorem *fvavi-*  
*tatis*.

### *Sacræ vestes.*

*Anacletus Epist: 1* In solen-  
nioribus diebus aut septem, aut  
quinque, aut tres Diaconos, qui  
Episcopi oculi dicuntur, & Sub-  
diaconos atq; reliquos ministros  
secum habeat, qui sacris induiti  
vestimentis, in fronte & à tergo  
& Presbyteri è regione dextra  
lævaq; contrito corde, & humi-  
liato spiritu, & prono stent vultu.

*S. Hieronymus ad c. 44. Eze-*  
*chiel.* Per quæ discimus, non  
quotidianis & quibuslibet pro  
usu

*Articulus Quartus.*

usu vitæ communis pollutis vestibibus nos ingredi debere in Sancta Sanctorum, sed mundâ conscientia, & mundis vestibibus tenere Domini Sacramenta. Vestib9 lineis utuntur Ægyptij Sacerdotes, non solùm intrinsecus, sed & extrinsecus. Porro religio divina alterum habitû habet in ministerio, alterum in usu vitæque communi.

*S. Augustin: quest: 10. & Nov: Testam: quest: 46.* Sed hinc, inquit, videtur Sacerdos fuisse Samuel, quia vestig9 erat *Ephod*, quasi non hodiè Diaconi dalmaticis induantur, sicut Episcopi.

*Thuris vel incensi usus:*

*S. Chrysostomus in sua Liturgia: oratio Thymiamatis. Thy-*  
*miam*

*Concilij Trid: antè Tridēt.*

miama offerimus in conspectu  
tuo Domine Deus noster in odo-  
rem benevolentiae spiritualis.

*Dionysius Areopagita Eccles.  
Hierar: cap. 7.* Pontifex perfectio  
precum sacro, ad Dei altare, cum  
ab eo incendendi odores iniciū  
fecit, sacrum obit locum.

*S. Ambrosius in c. 1. Luc.* Uti-  
nam nobis adolentibus altaria,  
Sacrificium deferentibus, assistat  
Angelus, inō præbeat se viden-  
dum. Non enim dubites assis-  
tere Angelum, quando Christus  
assistit, quando Christus immo-  
latur.

*Elevatio Hostiae.*

*Dionysius Eccl: Hierarch: c. 3.*  
Pontifex, cum divina munera  
laude profecutus fuerit, sacrosan-

cta &

*Articulus Quartus.*

cta & augustissima mysteria conficit, & quæ ante laudaverat venerandis operta atque abdita signis, in conspectum agit, divinaque munera reverenter ostendens, ad sacram illorum Communionem, & ipse convertitur, & reliquos ut communicent hortatur.

*Admixtio aquæ in Eucharistia.*

*Alexander I. Ep: 1. decretal.*

Non debet (ut à Patribus accepimus, & ipsa ratio docet) in calice Domini, aut vinum solû, aut aqua sola offerri, sed utrumque permixtum, quia utrumque ex Latere ejus in passione sua profluxisse legitur.

*Arti-*